

ՀՆՈՑ ԵՒ ՆՈՐՈՑ

(Հաղորդեց Մ. Բաղխուղարեան)

I.

Միքայէլ արքեպիսկոպոս Սալլանթեանցի նամակը Կարապետ
արքեպիսկոպոսին

Բարձր սրբազան Կարապետ Արքեպիսկոպոս,

Ողորմած Տէր և Հայր,

Հանրատարած Համբաւ ազգասիրութեան ձեր կանխաւ
ժամանեալ առ մեզ՝ մինչդեռ ի Մոսկով բաղադրի ստորագրէաբ
զանդաստանն մերս եկեղեցւոյ և ազգի. բորբոքեալ էր զբա-
նական սրտի մեր զբոց՝ կապիլ ընդ բարձու սրբազնութեան ձե-
րում ընդ ներքնոյն և արտաքին ոսկէձոյլ կապանօք սիրոյ և
բարեկամութեան. այլ որ տնօրինէն զմարդկայինս զամենայն,
յապաղելն ցայս մայր՝ պահեաց ներկայ առթի դալստեան առ
ձեզ ձերոցդ ուխտաւորաց, ընդ որս ո՛չ զանց արարաբք երկտող
զրութեամբս գալ ի Համրոյր քրիստոսաբարձ անշոյղ օծութեան
և մաղթել զարժանընկալ աղօթս ձեզ մեզ ի նպաստ փրկու-
թեան և յաջողութեան, որովք մարթասցուք թերևս զտանել
զնաւահանգիստն երանութեան՝ զերծուցեալ զօձիս յամենա-
պաշտ ոգեսպառ տրտմութեանց ըստ Հոգւոյ և ըստ մարմնոյ
ամենուրեք սերմանելոց:

Մեք ի կատարածի սեպտեմբեր ամսոյ նախընթաց ամի
եկեալ աստ յուխտ և յերկրպագութիւն աստուածընկալ նշխա-
րաց և սրբազան գահակալաց յուսաւորչադիր աթոռոյս, մինչ
թախանձէաք ո՛չ բանիւ միայն, այլ և օրինաւոր խնդրագրով
զվեհասփառութիւն սոցին՝ արձակել զմեզ վերստին ի նախնական
վիճակ և պաշտօն մեր ի Մոսկով, ո՛չ միայն ո՛չ հանդիպեցաք
խնդրելեացս, այլ և բռնադատեալ ի սուրբ հնազանդութենէ
արկաբ զպարանոց մեր ընդ ծանրագոյն լծով եպիսկոպոսու-

Թեան, յոր լծեաց զմեզ սրբազնականատար Յովհաննէս Հայրապետն մեր ի տօնի Երեման խաչի ի (յ)³⁰ ապրիլի, որով ի կանխակալ յառաջահիմն տկարութիւն մեր յաւելլաւ նոր բեռն մեզ անհանդուրժելի ծանրութեան, և անվճարելի պարտականութեան անդուլ անդադար մշակութեան յայգւոջ տեառն զօրութեանց. յորոյ ի նպաստ վերստին մաղթեմք զբարձրագահ սրբազնութիւն ձեր ձեռն կարկառել մեզ երկնաթոիչ Հայրուածովք ձեր առ որ յաջողին զամենայն յամենայնի ի փառս ընտրելոց իւրոց սրբոց:

Ինչ մի խնդիր է մեր յազգասէր հօրէդ սրբութեան. եթէ ի մէջ գղերաց տեղւոյդ կամ մանկանց դպրոցիդ գտանիցի մանուկ այնպիսի, որ անյագօրէն ծարաւի իցէ բարձրագոյն ուսմանց գիտութեան և լեզուաց, նոյն և կամակար իցէ ստանձնել զվարդապետական վիճակ օրրութեան, մաղթեմք ուղեորեսցիք զնա առ մեզ յաշակերտութիւն, միայն թէ մի՛ իցէ պակաս զ¹⁵ կամ զ¹⁶ ամն, և ո՛չ առաւել զքսանն. և զի առողջ իցէ մարմնով՝ աջօք՝ և խառնուածով՝ սրամիտ և նրբահանձար յուսումն իմաստից. մաքուր վարուք անարատութեան ո՛չ ապականեալ ի չար ընկերաց, զի լինիցի մեզ յիշատակ բարեաց յայայն և մշակ պարծանաց յազգիս և յեկեղեցւոյի փառս Քրիստոսի Աստուծոյ:

Չունելով առ ժամս յաւելլուլ ինչ արժանաւոր ձերումդ ծանօթութեան, և յանձն արարեալ զմեզ աստուածաբնակ ազգասէր սրտի ձեր քաղցրութեան

Մնամ աղօթարար ծառայ արքեպիսկոպոս ուղղափառ Հայոց ՄԻՔԱՅԷԼ ՍԱԼԼԱՆԹԵԱՆՑ
միաբան սրբոյ Էջմիածնի:

Ի (յ) 2 Մայիսի 1833

Ի սուրբ Էջմիածին

II.

Առաջիկայ նամակի հեղինակը Վենետիկի Միթարեան միաբանութեան անդամ հ. Մինաս վ. Բժշկեանն է. նամակից երևում է, որ նա լաւ ծանօթութիւն է ունեցել մեր հին գործիչներէ մէկի, Առաքել վարժապետ Արարատեանի հետ և սորա միջոցով գրագիրներ է տեղափոխելիս եղել ս. Էջմիածնից ս. Ղազարի կղզին: Նամակում յիշուած մեծապատիւ Մանուէլ վարդապետը անշուշտ հ. Քաջունին պիտի լինի:

Առաքինափայլ իմաստասիրի աղնուամեծար աղա-
Առաքելի ողջոյն Յիսուսաւանդ և սէր տիրական ձօնեսցի
օրհնութեամբ:

Ձշնորհեալդ ի 19 փետր. ախորժահամ պտուղ ցանկալի
մատանցդ ամենայն սիրով և խնդութեամբ ընկալեալ արդարև
չուարձացայ ի հոգի յիշելով անյեղլի վճիռ տէրունեան թէ
փոխանակ առաքինասէր իմաստուն հարց եղիցին առաքինի որ-
դիք պարծանք Հայոց և ազդին. որպէս տեսանեմք զբարեսի-
րութիւնդ, որով և ոչ սակաւ շնորհակալութիւն հանդերձ աս-
տուածային օրհնութեամբ վերընծայեմ. մանաւանդ սակս աղ-
գասէր ջանիցդ ի ձեռս բերելոյ զկարևոր գրչագիրս առ ի տալ
ի լոյս անթերի յազուրդ իմաստասէր մտաց: Արդ խնդրի դար-
ձեալ յաղնուութենէ Ձերմէ զհետ լինել գտանել զգրչագիրս
աշխարհագրութեան Խորենացւոյն. կարծեմ դիւրաւ ի ձեռս
բերեալ զայն յեջմիահնէ, զի կամք են մեզ հետզհետէ զա-
մենայն ընտիր մատենագրութիւնս նախնեսց մերոց յստակ ի
լոյս ընծայել ի շահ ազգիս, եւ նորին աղագաւաղելել զիմաս-
տախոհ սիրտ մտերիմ խօսել ընդ արքիապատիւ Վարապետ ե-
պիսկոպոսի տեղւոյդ և հաճեցուցանել զնա, զի փոխանակեսցէ
ընդ տպագրեալ մատենից մերոց զկրկին հին ճառընտիրս, մին
երկիւնեան և միւսն գրեալ ի թուիս ՆԼ. եթէ այս չեցէ հնար,
զէթ թոյլ տացէ գտանել պէր և տալ ընդօրինակել զճառս
ինչ ի մատենից անտի, զոր և ողջունեմ խոնարհութեամբ ամե-
նայն մեծարանօք և ակնածութեամբ:

Պատուական ծերունի մտերիմն մեր, Մեծապատիւ Մա-
նուէլ վարդապետ գովելի վարուք առանձնացեալ ի Վանս
Էսկի Խրիմի ձգնի առողջ մարմնով ազօթելով վասն սիրելւոյդ
Խնդրեալ էք զցուցակ մատենից նորոգ տպագրելոց, ահա որչափ
ինչ առ ժամս գտանի առ իս յղեմ այսու զցանկն. այլ ի ժա-
մանել միւս արկեղ մատենից ի ձեռս իմ, դարձեալ ազդարարից
Աղնիւ գիտնականիդ, յուսալով ունել զձեզ սեան (?) մտերմիդ
իրբև զհոգեւորդ ծնող յարատեւալ մի օրինակ ի նոյն առաքի-
նութեան ի պարծանս մեր, Ջորս և յանձն արարեալ հանդերձ
իւրայնովք ի խնամս Բարձրելոյն:

Մնամ Աղնուամեծար Տէրութեանդ ազօթարար ծառայ
Հ Մինաս վարդ. Բժշկեան

Խարասու, 3 ապրիլի 1840.